

September 2025

Grunnskóli Hornafjarðar

Fréttabréf



Nú í upphafi skólaárs kemur fyrsta fréttabréfið þar sem farið er yfir nokkra punkta sem mikilvægt er að rifja upp á hverju ári. Má þar nefna skólareglurnar, eineltisáætlunina og matseðil.


Kynningarfundir og skólafærninámskeið

Nú eru flestir árgangar búnir að halda árlega kynningarfundir og skólafærninámskeið fyrir foreldra 1.bekkjar er lokið. Rík áhersla er lögð á að foreldrar mæti á þessum fundi. Á þeim er fjallað um ýmis mál sem snúa að skólastarfinu en einnig samskiptum foreldra innbyrðis og heimilis og skóla. Nánari dagskrá verður auglýst í hverjum bekk fyrir sig.

**ÁRSHÁTÍÐ
GRUNNSKÓLANS
VERÐUR 15.OKTÓBER
KLUKKAN 17. ÞEMAÐ Í ÁR
ER RONJA
RÆNINGJADÓTTIR**



Munum eftir hjálminum





Vinna gegn einelti

Undanfarin ár hefur verið lögð mikil áhersla á að vinna gegn einelti í skólanum og mun sú vinna halda áfram í vetur því eitt eineltismál er einu máli of mikið. Foreldrar og forráðamenn en líka nemendur eru beðnir um að gera viðvart ef þeir telja að barn verði fyrir áreiti eða einelti því það er betra að fá of margar ábendingar en of fáar. Einelti byrjar oft sem samskiptavandi og það er best að vinna gegn eineltinu ef hægt er að grípa inn í strax á þeim tímapunkti. En það er samt aldrei of seint að vinna með samskiptavanda eða einelti því hann er fyrst og fremst mannanna verk og þeim er hægt að breyta.

Á þessari vefslóð <http://gs.hornafjordur.is/nemendur/eineltisaaetlun/> má nálgast eineltisáætlun skólans og þar sést hvernig unnið er með eineltismál sem upp koma.

SKÓLAREGLUR GRUNNSKÓLA HORNAFJARÐAR

Í upphafi hvers skólaárs ber skólanum skylda til að kynna skólareglur fyrir foreldrum.

Í skólareglum skal m.a. kveðið á um almenna umgengni, samskipti, stundvísi, ástundun náms og heilbrigðar lífsvenjur. Þar skuli einnig koma fram hvernig brugðist sé við brotum á skólareglum. Hér á eftir kemur úrdráttur úr skólareglunum. Þær eru í fullri lengd bæði í starfsáætlun (handbók) og á heimasíðu skólans.

Almennar reglur

Almennar reglur snúast um dagleg samskipti og byggja á almennum siðareglum. Að temja sér að fara eftir þessum reglum er hluti af því að þroskast og fullorðnast og verða ábyrgur þegn í lýðræðis-samfélagi. Því er eðlilegt að yngri börn þurfi meiri aðstoð við að temja sér þær en þau sem eldri eru. Almennum reglum er fylgt þegar:

- Við sinnum hlutverki okkar
- Við komum fram af kurteisi og sýnum tillitssemi
- Við berum ábyrgð á eigum okkar
- Við berum ábyrgð á gerðum okkar
- Við látum aðra í friði.





SKÓLAREGLUR GRUNNSKÓLA HORNAFJARÐAR

Almennar reglur

Öryggisreglur snúast um að tryggja líkamlegt og andlegt öryggi allra í skólanum. Séu þær brotnar er undantekningarlaust gripið til viðurlaga í samræmi við aldur og þroska viðkomandi barns. Öryggisreglur eru brotnar þegar öryggi er ógnað með ögrandi framkomu t.a.m. með:

- andlegum eða líkamlegum meiðingum
- alvarlegum ögrunum eða hótunum
- notkun á tóbaki, áfengi eða öðrum vímuefnum
- vopnum eða ígildi þeirra
- þjófnaði
- skemmdarverkum
- áhættuhegðun.

Ef nemandi brýtur skólareglurnar er unnið eftir ákveðnu ferli sem nánar er útlistað í starfsáætlun (handbók) skólans sem og á heimasíðu hans.



Farsímareglur skólans

Heillavænlegast er að nemandi skilji snjalltækin sín þar með talin snjallsíma, snjallúr, leikjatölvur o.s.frv. eftir heima.

- Öll notkun snjalltækja nemenda er óheimil í öllu skólahúsnæðinu*.
- Ef forráðamenn kjósa að senda barnið með snjalltæki í skólann skal vera slökkt á því og það geymt í skólatösku þar til skóla lýkur samkvæmt stundatöflu og barnið hefur yfirgefið skólahúsnæðið.
- Snjalltæki eru á ábyrgð nemenda og/eða forráðamanna.
- Ef forráðamenn þurfa að ná tali af barni sínu á meðan á skólatíma stendur er þeim bent á að hafa samband við ritara skólans sem kemur skilaboðum áleiðis.
- Noti nemendur snjalltæki í heilsufarslegum tilgangi (t.d. v/ sykursýkismælinga) er undanþága veitt.
-

Ef nemandi kýs að fylgja ekki reglum skólans um snjalltæki hefur hann val um:

- a) Afhenda starfsmanni tækið. Starfsmaður hefur samband við forráðamann sem getur nálgast tækið á skrifstofu skólans.
- b) Afhendi nemandi ekki tækið skal hann bíða hjá stjórnanda þar til forráðamaður kemur í skólann til að ljúka afgreiðslu málsins. Nemandi fær skráða fjarvist í þá tíma sem hann missir af vegna þessa. Við endurtekin brot verður forráðamaður boðaður á fund stjórnanda og gerð áætlun um næstu skref.

*Til skólahúsnæðis teljast: Heppuskóli, Hafnarskóli, Vöruhús, Íþróttahús, sundlaug, Báran, Þrykkjan, Sindrabær, Kátakot og matsalurinn.



AGÚST - SEPTEMBER

- 25.8 Nætursaltaður fiskur, kartöflur og rúgbrauð
- 26.8 Kjötbollur, kartöflur og brún sósa
- 27.8 Fiskur í raspi, kartöflur og kokteilsósa
- 28.8 Kjúklingalæri með steiktum kartöflum
- 29.8 Grjónagrautur og brauð með áleggi
- 1.9 Ofnbakaður fiskur, kartöflur,soðið grænmeti og köld sósa
- 2.9 Lasagne og hvítlauksbrauð
- 3.9 Bleikja, kartöflur og brætt smjör
- 4.9 Kjúklinganúðlur
- 5.9 Kjötsúpa
- 8.9 Fiskistangir, kartöflur og köld sósa
- 9.9 Grísapotttréttur, kartöflur og rauðkál
- 10.9 Fiskibollur, kartöflur og laukfeiti
- 11.9 Pizza, margarita, skinka, pepperoni
- 12.9 Blómkálssúpa og brauð
- 15.9 Fiskur og franskar
- 16.9 Kjúklingaleggir, steiktar kartölur og brún sósa
- 17.9 Rauðsprettu í raspi, kartöflur og remúlaðisósa
- 18.9 Kjöt í karrý
- 19.9 Gúlassúpa
- 22.9 Fiskur í raspi, kartöflur og kokteilsósa
- 23.9 Hakk og spaghettí
- 24.9 Fiskibuff, kartöflur og karrýsósa
- 25.9 Grísasteik, kartöflur, sósa og rauðkál
- 26.9 STARFSDAGUR
- 29.9 Nætursaltaður fiskur, kartöflur, smjör og soðið grænmeti
- 30.9 Hamborgari og franskar

Salatbar er í boð alla daga nema föstudaga

VERÐI YKKUR AÐ GÓÐU

